

青
芝
山
館
集

青芝山館詩集卷第三

臨川 樂 鈞 元淑

古今體詩

壬子

元日煎藥作

人身比天地寒燠須協時陰陽苟弗和災沴乃應之治身比
治國去邪當勿疑亂萌不早絕滋蔓將難爲病中念此理有
悟嗟已遲所患幸未劇速哉求良醫是日值元旦福祥人爭
祈俗情有禁忌服藥謂非宜吾意獨不然飲之甘如飴我躬
既不適何者爲嘉禱焉能舍近效反與後效期故鄉矧遼絕
舉足成孤危來時稟慈訓有疾宜急治今日正相念敢云親
不知

同吳蘭雪上舍

嵩梁

遊金氏園次壁間韻

劍舞琴歌遣歲華
征衫遊屐汗泥沙
故人一笑來攜手
倦眼三年始看花
綠逕已荒金盞地
紅牆猶傍玉簫家
科頭握笛臨春沼
桃李枝枝對影斜

和義山夜思十韻

暮靄層層變空庭
杳杳金光金壺愁
又滴角枕倩誰將
慧業秦川錦遙心
洛浦瑤事如紅雨
散情與碧霄長
怨調纏雙璫微吟
託九章淒清憐獨
夜寂謐念閒房
定燼生花燭虛焚
伴月香鸞無孤影
對燕自別家
悵北曲彈箏女
西鄰挾瑟倡相逢
徒一笑好夢更何鄉

唐袁郊甘澤謠凡九事雖荒謬而可喜爲各繫一詩於後

魏先生

江上鯉魚遊江南楊花落王氣在汾晉先生乃先覺何物蒲
山兒自矜霸王畧班彪王命論因爲隗囂作名字終不畱其
鴻入寥廓還憐鄭國公圖像凌煙閣

素娥

斗南生一人豈肯事女主回天志未伸游戲狎諸武納姬召
公飲公意了不拒頓令花月妖避入壁中語鬼物示機緘姦
謀暗消阻宮中夢亦醒折翅愁鸚鵡

陶峴

彭澤有聞孫才高仍不仕心追謝客蹤放浪娛煙水環劍投
江潭蛟龍盡驚起終累摩訶奴磔身重淵裏矜期誠不凡風
尚亦云詭三寶一朝失谷嗟返鄉里

懶殘

羣牛雜一僧廿載無人識
頑石既當途開山展神力
先時瑣骨人聞梵獨相卽
十年作宰相淡夜得消息
同是謫墮身各完仙佛職
終逐衡山雲飛空出九域

聶隱娘

神鋒三尺寒飛出鴛鴦手
眉黛偶一攢電光掣前牖
千里刺頭顱易如剪藜莠
夜半檐風吹奸邪齊縮首
讀史常不平悲歌費斗酒
跨衛今何之快人寧復有

韋駟

失時便高舉公子真逸羣
果敢非嗔怒鬼神還畏君
先人撤淫祠正氣凌蒼旻
胡爲廢廟主猶敢仇後人
賢弟竟遭溺痛懷何由伸
仙音酬慟哭此義吾未聞

圓觀

因緣佛所談生死天所制身是南泊兒前途焉可避精魂歌
竹枝重爲情人愧去來既了然往者何沾滯牧童與山僧幻
相固無異諫議眞可哀他生寄何地

紅綫

田家外宅男薛家內記室鐵甲人三千郡敵青衣一金台書
生年牀頭子夜失強鄰魂膽消首領向公乞功成辭綺羅奇
女洵無匹洛妃去不還千古懷煙質

許雲封

吹笛稱李謩外孫傳法曲曾奏荔支香歡呼動山谷秋江理
舊聲重感和州牧從容論笛材精語殊堪錄至音尚可逢寶
器終難蓄往時獨孤生猶裂鏡湖竹

古意十六韻

別院春無賴花飛鳥又嘯風捎簾押響雲度苑牆低羊氏弓
腰妾梁家齟齬妻繡鴛翻曉被金螭繞晴閨大將崑崙外前
軍浪泊西冰寒刀刺水磴險馬緣梯射鴈書新斷椎牛事久
稽遊絲纏網戶萋草蔽沙隄沼淺魚爭上梁空燕自棲香聞
韓椽得酒爲阮郎提幔下遺羅扇廊間抬翠鏡芳名傳北里
妙舞說前溪狎客迴翔熟豪奴結束齊紅綃年正少碧玉志
原攜怨偶殊松薦良緣惜柳稊可憐元相國堂壁更香泥

酒樓

宣武坊南賣酒家西山晴翠抱橫斜紅爐市地飄槐火青旂
搖風落杏花壁淨好噴班孟墨塵濺難辨富平車此來欲放
登高眼翻引愁心入暮霞

題乞巧圖

九孔花鍼五色線梧桐碎月娟娟轉遮眼仙雲大如扇誰橋
不遣分明見亂星灼灼愁滿天無情有情同可憐西宮夜半
燈火寂玉奴已下羅帷眠金粟闌邊垂手立秋蟲咽露弓
溼天孫亦抱鸞綃泣

踏謠娘

北齊時丈夫著婦人衣行歌勸人齊卽云踏謠娘今京師丐者女衣傳粉墨歌舞行乞疑

卽其類也又按韋絢劉賓客嘉話錄云隋末有河間人鼓鼻酣酒自號郎中每醉必毆其妻妻美而善歌每爲悲怨之聲輒搖頓其身好事者乃爲假面以寫其狀呼爲踏謠娘今謂之談娘事與此異謠作搖

踏謠娘紅粉妝畫眉盤髻無完裳轉喉曼歌折腰舞猥賤不
如優與倡踏謠娘無賴子曰叩朱門飢欲死面黃肌腊塵滿
頭市人閉目掩雙耳君不見吳姬越女當壚坐眼波微動顏
微破寶馬踟躕不肯過

對鏡圖二首

昨夜春痕兩頰紅
曉雲猶帶鬢絲風
從來未信長安遠
笑指秦山在鏡中
妝臺片影出窗紗
驚墮樓前碧玉花
怪底銜泥雙燕子
朝朝飛向莫愁家

春夜二首

夜倚丁香立微風
拂影過繁星如墮地
應比落花多
頭上天如笠
曾遮幾許人
如何雲月下
只有醉吟身

遣意

彭澤詠貧士
昌黎送窮子
嗟爾古之人
謀生拙如此
豈無才可
亨苟進以爲恥
豈無恩可祈
所望在知己
憂憤偶一吐
長虹生片紙
自嘲實白譽
身困氣不靡
猗猗幽谷蘭
淡馥蒿萊

裏春風不見遺會遣芳香起

初夏有懷

春歸又過午晴天空際煙波似渺然飄泊燕隨風上下寂寥
花與草纏絲有情未必能成佛無命何曾許學仙一段相思
千里外祇應彈入舊時絃

擬莫相疑行

莫相疑君未知飛塵隔對面寥廓同天涯鷹雕盤雲誇健翮
下視百鳥巢卑枝鸞鳳有時鍛羽翼爾縱高飛能幾時次公
醒狂何必酒睥睨魏侯如木偶御車結韞詎足辭要待平生
金石友夢中相見何相親夢醒杳如天上神緘口掉頭且獨
去安能喔咿隨衆人

夏日同周載軒太史宋雲墅儀曹羅兩峯吳茗香蘭

雪遊草橋卽景偶成五首

茅屋松棚絕四鄰
賣花翁媼髮如銀
迴香亭下紅橋尾
少箇當壚賣酒人

柳花飛盡柳絲長
牽引微風作午涼
滿地綠陰搖醉眼
桃笙三尺臥橫塘

橫煙一縷是雲汀
蘆管如鍼刺水青
風約釣絲搖不定
游魚來往避蜻蜓

蓮葉西頭晷翠翹
星妃來赴水仙招
迴波三折無人見
一蝶斜飛過短橋

蒹葭淡處引荷筩
醉到斜陽一抹紅
歸路涼風吹酒醒
亂愁添向月明中

題閨人春倦圖

畫長春永困嬋娟攬鏡薰香只自憐愁罷始當花一笑倦來
還學柳三眠鴛鴦繡譜拋應久燕子詩牋寫未全無限柔情
誰會得游絲裊到曲闌邊

題畫紅梅三首

水閣霜簷記獨巡惜花心事倚闌人寒雲壓樹東風起吹落
嶠山雪滿身

璫妃玉女鬥娉婷赤水歸來醉未醒剛被華光月中見一時
畱影向丹青

紙帳相思客未歸江南紅樹老斜暉笛聲一夜秋心遠寒蝶
無情入夢飛

題康龍山郎中

亮鈞

秋林觀瀑圖

淨埽煙嵐坐秋色山是主人君是客茸茸黃葉厚於瓊疎林

倒挂飛流側千尋石壁排紫清白龍畫下無風霆雙眸眩轉
望不徹心與秋意俱冥冥廬山瀑布天下奇珠簾直自雲端
垂地近故山未到眼神遊但寄青蓮詩年來又困緇塵裏澆
盡衣裳無處洗何時歸泛九江船一飲康王谷中水

題畫蝶二首

碧煙芳草冷青陵千古相思怨未勝今日癡魂太無賴一枝
花上一韓憑

幻出滕王畫裏身零星金翠了前因若教繡上紅羅袖愁煞
西家卻扇人

醉中

燕子移巢別畫梁低飛不傍午橋莊羅含自樂居茆屋嚴武
何煩問草堂槐樹陰多藏畫景桂花風冷鬱秋香醉中且得

舒長嘯無復旁人笑酒狂

蘭雪偶學作蘭戲題其後

素蕊幽香總絕塵是花是葉是前身現身自寫臨風照莫認
揮豪又一人

酒懷三首

東風吹亂雲孤月若反走歸心日夜馳終與形相守雲海諒
難越無爲望南斗且呼太白星酌汝一杯酒

門外十丈塵限人比天塹窗前一尺階又苦蒼苔占對影弄
陳編短檠亦相厭豪氣猶未除摩挲七星劍

平生有所思不在人間世晉公何地埋碧草連空翠文章值
萬鍊無處買一醉安得神靈風吹心入九地

泡子河晚步

河在崇文門
內觀象臺前

泡子河邊柳蕭疎近戍樓鴉喧常易夕水濁不成秋綠野餘
荒址紅塵斷冶遊遙看青瑣第仍住曲陽侯

九日醉歌戲呈龍山茗香蘭雪

我欲化身爲白雲上隨日月行秋旻我欲化身爲黃菊獨與
草木畱芳芬往時觸景曾漫語聞者笑我癡狂人今日尊前
得數子庶幾前論堪重申造物賦形有萬類偶然予我七尺
身去來一息豈自主神或爲馬尻爲輪苦耽圭組戀金玉終
等露電成沙塵我今所設亦幻想要以清氣還大鈞抑問禪
宗善知識知真爲妄妄乃真冥靈萬劫無定相一念已造三
生因安知此願不克副惜無左證通形神身後根緣縱難測
眼前色象宜且泯比來人事困吾輩踳踳有似失水鱗可憐
憤惋嘯且泣各思燒卻頭上巾我歌此曲寄懷抱更作轉語

調諸君異鄉佳節詎常得對酒雙眉聊共伸

次韻送龍山出都之徐州

別淚湧滄波高天一鴈過雲山秋送客星斗夜懸河月落棲
鳥少塵淡去馬多彭門懷古地誰與其悲歌

夜柝詞

癡奴戀長夜倒枕聲巋然江郎五色管苦作聰明鞭長被竟
牀不得眠愁心如曉夜如年紙閣蘆簾霜月苦三更無人對
燈語柝聲磔磔鳴急雨身世迷茫在何許檐前拂汨來飄風
我欲乘之遊鴻濛阮生自有千秋淚不爲單車途路窮兩蛟
夾舟睨白壁此時不怒非英雄蘇門處士善長嘯聲與雍門
正同調頭白相攜入漢庭商山老翁足可笑

題閒過竹院圖應 怡親王訥齋主人教二首

煙外數聲鐘。修篁翠萬重。風鈴語遙。墀雲鶴下。長松一路金
沙軟。諸天寶氣濃。

朝回偶無事。來伴聽經龍。

妙寫魚山。唄陳思八斗才。松寮原不遠。蓮社合重開。花雨飄
談柄。香雲聚講臺。西園同淨土。還許道林來。

和舒白香參軍

夢蘭

秋去已不覺。誰悟小春殘。黃葉成塵久。青霜敗菊難。論心孤
月上。搔首萬星寒。甯得酬恩劍。同君把酒看。

戲爲九言詩題蘭雪秦淮春泛圖

青溪九曲斜拖羅帶長。上有朱樓廿四遙。相望樓頭楊柳倒
影入明鏡。柳絲縷縷絆住遊人航。延陵季子逢烏鵲。客梅
花爲骨錦繡爲心腸。甲辰三月

翠華正南幸雙手欲攀日馭登樽桑獻賦金陵年華始十九
半船春夢飛入盧家堂嬌歌一曲費吳綾一東酒酣大笑拍
翻王母觴豔情豔福才人合消受阮郎名字繡在羅衣裳丁
字簾前忽奏離亭笛數聲吹散七十紫鴛鴦木蘭畫槳搖出
桃葉渡十年襟袖猶帶脂痕香一草一木尚入相思夢況復
南部煙花遊冶場春風吹人雙鬢易成雪愁殺能歌金縷之
秋孃回憶綠酒紅燈坐花裏此時此樂都付秋雲涼我思秦
淮夢見秦淮月明月照我題詩錦瑟旁片帆渡江又隔二千
里何時與君鼓枻鍾山陽旗亭畫壁並受雙鬢拜六朝金粉
收入奚童囊展君此圖空作臥遊想但見桃花春水流泱泱

題朱素人

本小照

細雨斜飛青蕩笠浮花低映碧羅裙五湖煙水搖雙影漁弟

漁兄總妬君

吳雲石後爲余作蓮隱圖以詩報謝

吳生江左良畫師妙技乃荷賢王知雲石館於怡邸水容山態頗工
細更得虎頭金粟祕西園飛蓋寫豪端聲價一日高長安不
以貴賤生分別欣然貌我遊子顏芙蓉十畝香萬片使我對
圖思鄉縣拈花獨坐鷗鷺邊恍惚青蓮化身見人身誰與山
水同少壯須臾成老翁千秋世間有我在筆墨造化應同功
問誰作詩贈畫史畫中之我意如此

雜興十八首

冉冉朝霞光秦娥字弄玉嬈嬈十三餘雙眉自然綠初學紫
瓊笙吹之未成曲已能召鳳皇飛集庭前竹仙姿落塵世衰
謝亦同速簫史期不來高樓長獨宿

欲織紫錦綺將裁合歡襦鳴機入修夜霜葉盈前除霜寒更
徂暑流汗霑衣裾織爲雙鴛鴦遊戲紅芙蕖織成價千萬辛
苦三歲餘不惜成錦遲但愁錦紋麤不惜遺所歡但愁裁剪
疎一誤不可服妾心復何如

妾本黔婁女生年常苦飢綺羅交巷陌妾身無完衣良辰不
窺戶撫鏡傷蛾眉蛾眉在鏡中自顧還自怡誰家輕薄兒馳
騁生光輝銀鞍飾怒馬持以換天姬鼠女盛粉黛入門爭妍
媿妍媿寧復辨羅列充閨帷矯矯雲間鶴不入籠中棲稜稜
迫風驥不受玉勒羈翩翩絕代妹不作金吾妻

願爲倉庚鳥集君門前樹東風來樹間吹我鳴聲去吹去入
君庭令君知此情生世無羽翼此情焉可明

朝陽出東山雲水盡光采夕照入西崦煙霞顏色改萬類無

定姿轉移聽眞宰一身墮寰中變滅幾千載可憐芙蓉花獨得西施採所以振奇人升高望遠海

佳人步秋院春色滿庭階容光照衰草能使青陽回晚妝不待鏡明月爲之來含笑倚闌立時花羞不開一朝顏鬢改芳意輸蒿萊寄言東家子衰晚良可哀

明妃去紫臺匹馬與之北行過燕支山已非舊顏色悲淚溼琵琶迴眸望故國明月在青天流照漢主前漢宮三千女一一如花妍豔圖或不似棄若塵與煙遠者長已矣近者君宜憐

采蕪上北山荆棘裂我裾采菱下南澗淥水沾我襦衣溼當再烘衣破當再縫縫衣衣復破永夜心忡忡

新雨入秋草洗落草上塵歲晏將菱絕寸心爲之春夫君倘

相思感結難具陳矧乃貯金屋百年同一身不見梁氏女委
心石季倫玉骨一朝碎香魂千載親

少君偶妄言誇說如瓜棗遂令塵濁人醉夢求三島云何仙
者姝反羨世間好偷窺唐昌花同種濟陰草困鯉思上騰飢
鷹欲下飽相逢應爽然裹足以終老

東風吹野草綠上文君臺文君頭未白相如心已猜當時綠
綺琴苦作求凰媒金徽燦未改爲我彈新哀長門賦愁思夫
婿何其才有目不見睫寧非冰炭懷

老樹高百尺柔藤天半垂樹摧藤亦傾依倚能幾時嫋嫋東
北風搖搖楊柳枝不爲青楊絮還作枯楊梯牀頭紅拂妓中
夜奔藥師東方亦已白僕射猶未知況復形骸異永辭衾與
帷傷哉臺上雀不向西陵飛

朝登長娛臺暮宿忘憂館不知今何夕但見月輪滿清漏鳴
丁丁開筵命絲管賓客正酣呶主人興忽懶夜短不如年如
年還復短念我來日難愁思焉可緩愁思亦已遲行樂聊及
時

古之沈冥子類是傷心者世運不凌夷胡爲遁草野可憐劉
荊州妄欲保天下采藥人未還襄陽嘶戰馬

門前橫大道萬里接安西去路君能識歸來應不迷春鴻度
度來秋燕年年去禽鳥有迴翔君歸獨無路夢裏欲尋君中
途失南北去住兩茫茫不醒歸不得妾爲武昌石君爲漢水
波石爛波不迴無情當奈何

月明吹鐵笛天地皆秋心梅花一千樹飄落空林南樓有
旅客起作遙夜吟時悲復時壯似是伊涼音俯身望空野平

地如海濱何況陳伯玉放懷觀古今古人不我待今人不我
尋翻令後來者涕淚霑裳襟

鄉里遊俠兒寸心烈火比少習越女劍報讐走千里深夜登
其堂讐人適已死妻子方號咷剛腸忽以靡歸來閉門居學
道從茲始門前臨大江萬事如流水

狂飈發巨石不埽思婦愁驚波蕩層城不洗壯士憂所遭俱
外物豈與肝膈謀襟懷一以豁觸境皆天游蠶縛無離絲魚
旋有脫鉤夢中旣化蝶何必復爲周無心天上雲與我同悠
悠

古怨

樓閣連街花滿牆餘香吹過茅屋旁茅屋佳人當戶織機聲
伊啞同歎息迴文錦字亂難成一點殘缸死灰色絲短絲長

可奈何阿儂愁緒如絲多窗外三星沈曉河

冬夜

酒醒人去僕鐘報二更靜吟孤月轉寒坐一燈清讀書山
如睡捶琴壁有聲西齋眠病客香頻問可天明

歲暮

寥天極望少南禽寒色嚴凝暮色深積雪未消風已掃癡雲
不動月仍沈殘年爆竹如鄉夢故國梅花是客心若把時光
珍重算一宵何止值千金

除夕呈茗香蘭雪昆季

二仲同分歲三人各憶家成灰憐蠟燭傲雪想梅花寒影聊
相傍少年猶可誇用坡句圍爐重戰酒街鼓任嘲罵

癸丑

新春得龍山王子除夕見懷之作次韻卻寄

碣石風高雪意頻梅花未放不成春
昨秋與子同爲客除夕懷余幸有人
孤館獨依琴共語上林三見鴈來賓
草堂人日原相憶不待酬詩已愴神

同蘭雪訪李介夫太史

如筠

不遇戲畱一絕

晴日尋春過小園一雙燕子話前軒
青蓮去向誰家醉試問桃花不肯言

同蘭雪崇效寺看海棠二首

幾日東風漸漸狂關心都在碧雞坊
流鶯已怪遊人晚啼得春愁滿寺廊

商量詩句坐花茵紅雨紛紛各滿身
賴有玉人簪鬢去不教金樹盡成塵

次日同介夫復往海棠零落殆盡矣

重來更訝落紅稀
草樹蒼衣綠共肥
一種街西騎馬路
東風吹雨送人歸

題介夫東山讀書圖

東山在大庾周茂叔知南安軍會講學於此

明光奏賦謫塵空
秘閣書王燭紅健
筆已揮霄漢上寒
榮猶寄畫圖中
一窗草色瀟溪
賸下載山名謝
傅同愧殺白雲
峯頂客徒教雙
鶴怨秋風

白雲峯在東山余曾讀書處也

茗香南歸卒於河西務舟次驚惶之餘哭之以詩得

三首

已見登歸舸誰謀死異鄉
一棺畱野寺孤劍委斜陽
水國魂應冷泉關路更長
夢中渾不信猶爲賦河梁
匹馬遊秦晉前冬雪滿山
忍寒登峻坂帶病入潼關
失路身

追惜依人計愈艱尺書能乞米遊子已生還

昨讀巨卿語如聽桑戶歌

召行後余偶讀後漢書獨行傳至張劭范武之事爲之流涕不已以

語簡而相識驚

友應悲較昔人多弱弟心同死慈親髮已

皤魂歸聊一慰行矣莫蹉跎

自題白雲峯讀書圖

昔時白雲畱我住今日青山在何處遼海風摧閬苑花楚天
月挂津門樹平生愛讀五柳傳勸人勸作長楊賦文彩不及
陳倉鳥神仙并讓羽陵蠹長卿遊梁徒自嗤向秀入洛寧非
誤夢裏觀條坐幽澗愁來跨馬尋征路龍蛇大澤無顯迹麋
鹿長林有餘慕冰綃髮鬢具巖巒茅屋蒼茫蔽煙霧

歸思

倚檻聽春禽此身寄京國鵲日不如歸鷓云行不得十年可

公卿頭髮固猶黑其如邱壑姿不稱簪纓飾漁樵意所便久
待溪山側棲屑阻關河蹉跎換顏色盛年違素心攬鏡空悽
惻

送蘭雪歸東鄉四首

憂患疑有媒別離竟無泯飄泊爲升斗欲歸幾人遂但能安
里閭寧論賤與貴雖未換青衫親心已娛慰

桓山有雙禽羣喪舊巢壤

蘭雪之兄著香辛於舟次

壯歲不同歸伊誰敢

行邁長安千萬人百否而一泰物理洵難齊生涯吁可慨

叔寶本羸弱休文更苦吟役志向文史重違蒼昊心風雅固

未墜有心當共任威鳳戢毛羽終然異衆禽

齊年作弟兄相對委形迹文字多異同奮爭期有益去住若

爲懷窮通任所適他日雲林下尋君話詩書

詠月季花

春歸萬綠成夜朗孤紅見月季一枝花不隨時物變爭怕東風狂還能鬥霜霰明月最多情相諧更相戀

己住

己住他鄉久原拌不憶家寄愁當戶月分夢隔牆花燕晚難營壘鷗閒且蹋沙前途何足問可惜是年華

題周希甫舍人放鴨圖

呼鷹蓄鶴遊俠事養鶴馴鷗隱者情君與天隨有同趣一闌花鴨常呼名眠沙泛浦湘江曲繡疊濃萍作茵褥竹弓金彈了無猜三十六灣春水綠君今已占鳳皇池文采光明天下知舊時放艇搖竿處野鷺成羣飛傍誰我家亦住蓮塘側花裏羽毛分黑白藏名雖愧祝雞翁寄興猶同愛鵝客

讀史

駟馬服高軒征途暮不息陷輪大澤中騏驥難爲力星暗天
欲白乃聞羣雞聲唧唧到亭午就中誰先鳴古來治亂迹達
士觀無形息心驗氣數其理殊分明行藏準消息出處繫重
輕一身旣殉道萬物仍關情何爲慨以慷達運而戕身吁嗟
劉司空不及阮步兵

題畫蘭

午風香一谷幽蕊幾時開蝴蝶不相引誰能看花來靜女獨
憐愛與花俱絕代置花懷袖間芳性同千載

族兄固坪

恒

家雲南彌勒辛亥秋自太學歸補教諭

甫八日旋登鄉薦計偕北上今報罷南還且訂復來
之約賦長句送之

雲海萬重不隔而八千里外再相見秋鴻社燕阻迴旋君去
君來比飛電吁嗟行路豈不難長材未肯終閒官造物於君
定有意重來須造青雲端滇山奇氣久堙鬱金碧精芒射天
出慈竹之筍當扶疎舍君誰是凌霄物

初客怡邸芳陰別業病起作

李侯館我久

比居介夫太史齋中數月

忽忽成離居輕涼動高樹清颼來

徐徐朱邸啓閒軒主人容曳裾綠陰上蘭席新月當綺疏所
資旣具脩許讀未見書感茲禮意適中夜步前除露氣中肌
髓噤痒三日餘形骸一爲累襟抱終難舒仰首羨飛禽隨雲
橫太虛

奉和訥齋主人七夕二首

明河澹沲入新秋簾捲西風病客愁月落燈昏眠未穩一行

鳥鵲過南樓

衣帶橫斜水一條秋來夜夜見星橋
人間雲海三千里不道仙家別路遙

病後澹園晚眺十韻

秋草愁心遠秋煙病眼迷倦憑花檻側
孤坐石牀低野鳥凌身過殘蟬對影嘶
蘿陰藏落日樹杪挂晴霓佛屋高墉外
侯家夾道西瓦鴛銜斷壁檐燕啄乾泥
欲射穿雲箭誰懸取月梯地空涼瑟瑟
天闊暮淒淒摘果無仙棗攀枝有病梨
風中鳴叱撥公子出金閨

浩然閣下梨海棠秋日各開數花

梨花又白海棠紅開向煙涼露冷中
往日芳心元未了故將餘豔補春風

題畫牡丹

淺紫深紅露未乾
徐熙粉本見猶難
況教百寶闌前種
爭得人間冷眼看

芳陰別業夜坐

棲鳥啼月上
觚稜樹杪星
河隔幾層漸覺
夜涼風葉響掩窗
先護讀書燈

詠藍菊

一名江西臘

豈自西江至
偏宜北地開
延秋雖讓菊
報臘乃先梅
煙露涼如海
雲霞爛作堆
淵明曾不愛
應爲少香來

觀蟻門

一銖未均剖
萬物禍機萌
一夫偶發難
兩國戎心生
蚍蜉亦至微
兄利猶鬥爭
先偏魚麗陳
轉戰長蛇橫
勝負了未判
傷

殘俱已形豈有齊紀仇非高衛霍名口腹蠅頭細軀命鴻毛
輕輿尸寧不痛射戟難爲平請比鴻溝約更修瓦屋盟潰隄
勢旣盛撼樹氣轉盈感此蠶觸小重增憑弔情自從秦漢來
何代無戰征山河總如故社稷各已傾當時競尺土千里流
血腥雖云仁義師白骨猶呼噪嗟哉古戰場萬世同哭聲聖
賢戒黷武天道惡佞兵

送友人

木葉欲落秋顏凋故人別我登河橋貧賤驅人等蠲箠心如
去馬鳴蕭蕭夜來天漢迴斗柄起視晨星射林腰丈夫有淚
灑卽痛不爲零雨爲奔潮論文說劍日已久意氣相并凌九
霄痛飲遮西照檻月狂歌驚啞吟風帽當去且去勿留滯當
來卽來期久要叢桂將丹菊花紫共君把筆溫饋

詠牽牛花

河鼓星精不化石淚花墮入西風碧曉河落後總淒涼欲吐
瑤情終掩抑秋闈怨女罷晨妝手曳柔絲還斷腸輕紅幾點
懷人淚也滴牆陰作海棠

哭外姑唐太孺人

外姑卒於壬子十一月近始聞信

令女未歸我聞姑明且賢旣爲王氏壻所述逾所傳王氏昔
盛時富厚甲鄉里四世同一堂孝慈亦鮮比惟姑當是時初
嬪於外舅王舅與王姑在堂俱白首見姑皆喜歡哀歎不去
口顧謂衆婦中無如此孫婦外舅奇傑人文章勵志節弱冠
青一衿著書忘歲月四十居父喪三年常泣血奉饌比生存
兩餐日豐潔惟姑手親治十載無倦輟孝哉通神明聞者爲
嗚咽姑昔嘗生男五齡忽夭摧高堂慟欲絕姑反紓其悲忍

痛不敢涕肝腸固已墮勸舅納側室舅言且少遲妾來果有子君豈曾無兒母老又多病惟君能事之舅意旣如此姑賢斯可知平生一嬌女性命相維繫如何選擇疎使嫁黔婁婿疎狂不自知貿貿遊當世流滯天一涯身名百無計憶昔初論昏我時實童騃舅獨誇我才旁人頗疑駭姑心曾不然卽許無畱待親鄰今笑之前誤嗟難解當我北行日辭姑姑慘然勿望富與貴但言當早旋我行竟永久忽忽經三年雖久會且歸姑胡不步延蹉跎成永訣悔恨今何言內姪從南來恩恩卻復去傳語報我聞尚疑傳者誤死亡人所諱豈肯妄言語哀哉其信乎已矣成長暮姑體素孱羸藥爐無斷火幸舅醫術良應時輒痊可今者是何疾復著不復甯將毋運數極人力難與爭嗟姑旣無兒乃復促其齡報施果何有天道

眞冥姑有白髮姑姑有中年夫姑有女與壻姑去宜踟躕
姑有兩外孫姑愛如掌珠大兒過六齡小兒三歲餘時常在
姑前繞膝啼呱呱舍去曾不顧衆痛胡由攄昨者寄書歸意
姑正安好願姑屏煩憂書語猶頌禱寧知書到日姑墓已宿
草令女開此緘搥膺還哭倒我哭無人見吞聲成此詩焚爇
向靈風姑其知我悲

效東坡和陶形影神三首

并序

陶公曠遠蘇公超雋無可繼已維此庸音寧足繼曲存一
時之感歎云爾

形贈影

背燭忽見汝汝來曾幾時我方自厭苦汝更追隨之相逢始
何地與我俱在茲暫來卻復去隱見無常期汝來吾旣忘卽

去仍不思我生萬緣滯離別生悽泐於汝獨淡泊汝終無所
疑相親復相效何日當長辭

影荅形

無端忽有汝造物計原拙相依在生初使我難決絕但能隨
動靜初不預悲悅陰晴遞顯晦有會仍有別日月相循環無
生亦無滅汝餒我無飢汝溫我不熱周旋勿厭久變化豈憂
竭汝無我乃無有我詎爲劣

神釋

至道積空虛浮生遊顯著乘氣偶一呈須臾成物故孰能亡
而存以我來相附引躬蹈崎行導舌出佳語使汝有盡物立
於無盡處孤月竟天明大雲結空住雖云委時運要不隨氣
數有如僦屋居自有攜來具取便無外須登邀主人與他時

當遷移還復攜之去以茲託元化獨立故不懼餘者皆無有
於何煩顧慮

讀王荆公詩集書後

高步跨古人閒吟露奇氣我讀荆公詩卽詩見公志公昔行
新法抗懷三代際盡善一二端聖賢莫能廢立朝忌孤行立
法忌獨智虞廷不和衷稷契寧有濟子產錡刑書深心本救
世衛鞅開阡陌百代遵其制變古誠宜時原勝奉法吏後世
治功卑大經皆失墜豈無稽古儒所守或纖細維公差苟安
慷慨圖至治身處元輔尊泊然靡所嗜進退天下人曷曾徇
聲利辨姦何淡文乃與王盧例後來井底蛙肆口漫訾詈依
倚古人說何殊僕與隸清流成黨禍仇筆司載記甚辭每誣
枉謗史可焚棄公得孔顏師或爲王佐器苟無周召才譏議

恐不易論人如論詩所貴知其意公志昔未明公詩今則貴
偶與俗士作重九因憶去年此日朋從宴談之樂時
落解之後日瘦風悽醉中歌哭相仍而意氣甚盛今
不如也感成一章寄康龍山徐州

失意值佳節良朋締古歡經年過舊館庭樹淒以寒今日復

九日高齋列杯盤座中無故侶芳旨成辛酸逝者既草宿

香存者如星殘念君隔彭城渺若雲漫漫黃樓望泗水無我

君應歎浮蹤止聚塵一散難再搏當時乃不違相對淚汎瀾

重九後一日

夜秋如夢西風徹曉狂黃花愁似我無語過重陽

客有談骷髏事者作骷髏歌

空山老鵝哭不止地下陳人有時起冷雲壓樹亂鴉叫千歲

骷髏不笑夜淡暎閃寒燐青長空不見明月明吁嗟乎金石亦非不朽物莫笑骷髏是枯骨

饒七杉孝廉

孔德更善名敷

將之宜都覲親九月廿九日薄

暮偕周厚堃明經

熊

過余言別因畱齋中小飲率成

短句送之兼示厚堃

亂蟲語槐根唧唧若有訴理絃和其聲坐對寒檐暮此時來
故人豈曰非良晤論心轉不怡乃爲別離後周郎居比鄰晨
夕可臻赴頃來人事煩曠隔如長路生況南邁遠問漢陽
渡知君念庭闈且願斯須住相見雖有期寧能必此處眼前
卽陳迹舉足無故步念茲周旋理一息那容誤殘月諒不出
繁星照庭樹酒至方引杯大風促君去挽袖何怱怱短歌寄
心素

題陸包山畫吏部廳藤花卷子

藤花為明宏治六年吳文定公所種

時所種匏庵入閣王文恪公溪代守溪女徐亦為西籍時為諸生隨守溪讀書於此後三十年徐亦為

少宰乃賦詩二律同時夏桂淵湛甘泉文衡山諸公和之其裝為卷又後十年己亥陸包山治補圖於卷

前即此卷也後為陳百史名夏所得本朝歸定州郝中丞家乾隆癸丑十月真定太守邱鐵香學劬購

之得

古藤壽歷三百年種自匏庵吳少宰五雀六燕飛停處重陰

冪地今猶在當時文恪彈冠來東牀有客徐秀才後三十年

乘翁位感舊題詩花正開雙檜交柯亦奇物畫中有恍同諸

老舊風骨包山畫史記因緣煙篆并掃龍髯出粉氣墨花生

古香蒼雲紫雪交芬芳嘉樹角弓固無恙虎頭金粟還難忘

恒山太守耽元賞割俸常營書畫舫為憐瓔珞綴金幢竟取

珊瑚歸鐵網匏庵愛藤多手栽西庵紫蔓淪蒼苔匏庵有朱藤詩媚媚

影尺藤往歲手親插西庵
敵短蔭藉爾兩相夾云云
物傳以人亦以地瓊樹所貴生瑤
階盛榮不逐煙霜變千載長爲人愛
蔭壁間舊記至今懸何
減名臣登史傳

與友人論史事因以得句

時平只合用蕭曹何必書生講六韜
守我迂疎才不小看人
富貴眼原高遊山屐避巉巖石渡海舟防滾滾濤
王粲從軍
成底事徒將詩句代弓刀

蝶二首

五色衣裳製乍成
萬花含笑欲相迎
蝨魚空食神仙字
竹素園中了一生

琅邪情死奈情何
輸與秦宮樂事多
惆悵南園芳草歇
一春仍是夢中過

北平風土大異南中因憶故鄉物產最佳者六種各爲一詩寫羈旅之感焉

憶梅

歲云暮矣客心驚索莫巡檐句不成幾日天寒雪將落中宵酒醒月空明仙人入夢難畱影驛使無書更繫情正是鄉愁禁不得高樓長笛又聲聲

憶竹

讀書堂外短籬邊叢篠疎篁翠拂天不見此君非一日曾陪高士住三年亭亭傲骨同人瘦落落秋心只我憐恐被子規啼欲裂平安消息仗誰傳

憶橘

洞庭佳果遍松湖

在臨川治東產橘良早人以爲業

問富家家數木奴書後

誰題三百顆宅邊宜種一千株香當寒食花仍好移過長淮
味已殊久擬作亭名楚頌年年歸計誤髯蘇

憶蔗

病渴梁園早倦遊南中今又蔗田秋盛筵誰問甄龍友佳境
空饒顧虎頭石蜜糖霜非故味魚羔腩鼈惹羈愁幾回欲乞
黃金頰爲沁詩脾潤酒喉

憶芋

羹調玉糝佐盤餐舊種沙田一畝寬書裏蹲鴟終未至雪中
黃獨不勝寒那能辟穀師明逸聊欲圍爐就懶殘輸與鄰翁
生計好瓜疇側畔倚鋤看

憶菘

園官菜把幸常供卻愧頻年負晚菘賣筍人休訶蘭妾灌蔬

我願學楊童歸心已較思菰急往事都如拾芥空夢有黃齋
三百甕不妨消散老編蓬

十月

十月燕臺歲已殘澹園閒卻好闌干高槐葉盡風猶響小草
心枯露亦寒凍雀棲棲巡故屋飢鳥啞啞闕晨餐月華夜照
霜華冷獨步空庭俯仰看

題山谷草書太白憶舊遊寄譙郡元參軍詩卷後

十月十五日觀於蘇齋亦即錄香大守所贈也書作
在草大如腕自遙遙訪仙城已上坡缺去當是二紙
連前紙也

月支天馬嘶風驕滄海神鼉駕奔潮太白擲取歸詩紙
翁縱之出冰綃伯英旣死艸聖絕長沙筆冢高崑崙此書
晚出紹聖後直可爭價開元朝公孫劍器雖未見乃悟夏雲隨風

飄烏石研

山谷名

中蘸巨管綠天庵裏分餘蕉元氣淋漓點畫

化漏痕斂股枯藤條折肱換骨造斯詣想見墨花映蒼毛

後卷

沈石田跋以爲山谷

惜哉穆父骨已朽賞音千載嗟寂寥白也

詩狂古無敵醉中草字仍龍跳長史顛書尚訾議叔忱贗迹

徒麗豪獨許上人稱獨步心折復以長言褒此書旣得泰槃

祕宜共禹穴鐫巖椒

蜀首禹穴二

恨失幅端八十字仙城欲

訪真迢迢誰家綈錦別藏弄亦恐哀蟬先裴銷今君購買得

斷壁貴重猶比英瓊瑤翰墨淡綠慙雅好梓桑後學欽遺標

夜半作歌寫紙尾起視霜空懸斗杓

答李竹雲

李雲

題余耳食錄後作

陽曦照大地魑魅人不逞而燭明夜窗羣魔亦潛蹤頗嫌眼

界狹欲藉聞觀充強人妄說鬼妖耳開心胷禿豪況無用久

擲塵積中拾之寫情狀拂紙生陰風一編既傳播百怪憎形
容容來競有述以耳參耳宗妖興竟由我聒擾心幾聾老生
或見詰謂我言梯空我亦笑莫辨要疑君不聰君看六合內
人類如沙蟲變相存眉睫萬面無一同性情判水火風氣殊
西東奇幻每百出眼前難可窮矧彼九幽地胡能常理通彩
雉化童子白猿成老翁項瘰響琴瑟小指藏蛟龍齊諧志靡
盡更僕數難終猶慙耳力竭所食未能豐欲闢兜元國大收
兼聽功李侯繁花舌羣簪傾寸衷見書忽三歎誇我描畫工
詎堪廣異聞聊可資談鋒

形體詩十二首戲創此題聊以舒嘯

心

明鏡塵埃拂拭遲交梨火棗未生枝十年忽忽愁魔攪萬里

駸駸意馬馳吟苦漸無花思發情淡惟有月明知死灰頑石
同長久須到風旛不動時

髮

髻挽蒲桃往事遙黑頭江總意飄蕭可堪破帽猶相戀差喜
繁霜尚見饒父老幾人皆鶴鬢兒曹今日又蝸髻年來攬鏡
頻搔首啼向陽阿不自聊

眉

白豪寶相幻耶真欲禮瞿曇問夙因憂樂豈煩方朔察言談
且其敬通伸雖無翠氣能成彩亦是紅顏肯效瞋夜看攝提
連大角光芒磊落象何人

目

觀人觀我兩茫茫爭用傳神顧長康親舍常憐望雲隔客遊

懶爲看花忙青晴合讓徐陵慧白眼誰容阮籍狂千斛淚珠
時一瀉半緣懷古半思鄉

耳

苦被箚聒欲聾仍嫌牛蠋辨來聰陰陽嬌女知何處今古
聞人聚此中無復鍼砭煩鳥語只應洗滌借松風鄉關歲暮
音書斷愁聽長安雪後鴻

鼻

室有芝蘭久不聞薰蕕何必更區分藏神願學希夷鎖斷望
無勞匠石斤知見真香遺臭味乾坤清氣本芳芬千家鼯息
方雷動獨對膏爐一縷雲

口

齒非漱石豈堅剛舌不生蓮未廣長說鬼談天俱誕幻嘲風

咏月也顛狂慎言漸守三緘戒報德還難一飯忘自指此中
宜飲酒那知夷甫有雌黃

肩

承先常愧析薪多力薄其如任重何負米天涯安敢息隨流
人海且相摩非才久信難儋爵壯志猶思一荷戈舊侶洪厓
如問訊玉樓雙聳夜吟哦

腰

太白狂歌傲骨寒休文愁病客衣寬萬錢鶴背纏猶易斗米
人前折竟難蘭佩蕙纓珍重采金魚玉帶等閒看翻憐楚女
纖如柳舞罷春風倚畫闌

腹

進尤平生每自量生松夢裏本荒唐祇愁弟子嘲經笥常笑

言上之口食言集卷之三
將軍負智囊飽食才消三合米憂思欲斷九迴腸被中畫肚
終何用結習年來愧未忘

手

批熊拉虎技空傳取豆提戈事偶然摘下明星都化石攜來
寶劍欲騰天光陰壯歲虛彈指出處淡心總茹拳何物多情
成久伴可憐斑管與青編

足

行腳依然是古靈人間無路不難行跼蹐鑒井心原苦縹緲
凌雲道未成蠟屐此生當幾緬峭鞋今日尚初程雪泥處處
畱鴻爪蹤跡他時記不明

漫與

吳土三千劍恒河億萬沙世緣渾不定身事各無涯狐拜初

圓月峰爭未落花君卿唇舌好遊徧五侯家

燈下柬白香二首

一城曠隔如千里兩地棲遲各四旬君比維摩常示疾我師
原憲不憂貧寒鳴草樹疑風雨靜對琴書若鬼神獨向燈前
參聚散有時孤影亦離身

江左風流只縱情汝南月旦豈公評嫵廉借鏡分妍醜燕雀
停衡倚重輕淥水細看非有色轟雷醉聽亦無聲太山自小
秋豪大千古莊生眼獨明

十一月廿九日雪戲呈訥齋主人乞酒

風伯暗啞雲模糊寒威如錐刺肌膚霎時大地瑤花鋪滕六
妙手絕世無點染梁苑何清疎偶傍石山立斯須竟令我身
入畫圖往年見雪思茅廬今年不歎羈旅孤詞賦雖愧乘相

如遭逢豈與前賢殊試登高閣望城郭西山玉燦照
皇都清興驟發狂歌呼拈筆索詩詩已逋牀頭傾酒酒亦無
小奚凍縮難行沽主人故非麴尚書雲甕政自多瑤酥乞遣
阿監提玉壺消寒并潤詩腸枯

澹園歲暮有會而作

以經求佛佛曰否以注解莊莊不受誰耽冥寂悟真元焰息
丹爐靜相守客會抱琴置我前我不能彈彈已久太虛太古
皆神境琴聲在心豈在手澹園歲暮復何有幾樹老槐對髡
柳夜來寒色更清絕殘雪堆庭月射牖

聚棗曲

蔌蔌棗花白君去長爲客垂垂棗實丹思君君不還三月摘
梅向西園寄君梅子儂心酸六月采蓮下南浦寄君蓮子儂

心苦心酸心苦君不知寄君棗棗君應歸君不歸棗離離

青芝山館詩集卷第四

臨川樂鈞元

古今體詩

甲寅

君爲七首

君爲天際鳥振翼齊雲霞我爲地上馬蹇足踢塵沙重城峻
壁任飄舉踟躕中途良可嗟君不見駑駘夜入廐中伏飛鳥
亦投煙樹宿

君爲華堂月七寶澄金波我爲妝臺鏡青銅時一磨花砌雲
廊滿清影照人輪爾光明多君不見西子無鹽渾不辨菱花
一對妍媸顯

君爲黃河流一曲千里餘我爲青溪水九曲徒縈紆巨舟塞

岸不可入河伯笑我同溝渠君不見排空濁浪皆泥濘溪水
一杯清可飲

君爲流黃機萬縷能兼綜我爲金粟尺分寸以爲用一經一
緯成綺羅花樣翻新蹙鸞鳳君不見紅女裁剪爲衣裳此時
藉誰知短長

君爲蒲桃錦製作衾與帷我爲木棉布裁作裳與衣豪家珠
翠耀房闥粗服到眼無光輝君不見綺組一朝顏色毀不如
布素猶堪洗

君爲鼎中丹云是金石精我爲籠中藥乃止草木靈一丸丹
可凌雲去常藥雖效殊平平君不見良醫活人是獲虎不道
九還曾愈疾

君爲當樓花紅紫弄春態我爲背窗竹蒼翠迷秋靄幽修本

白遜妍華況復託根殊顯晦君不見豔蕊繁枝遭折殘終無人折青琅玕

曉霞謠

曉霞何煌煌五色復九光西映昆侖之赤水東連碧海之樽桑似是羣真凌晨朝紫皇宮闕初開洞八方錦屏繡幄遮天闔又如十萬玉女環侍光碧堂王母垂帷坐中央罡風肅肅吹衣裳蒼龍在東青雀西風馬滅沒雲車馳光景迷茫難具知下界仰首空然疑須臾衆星落盡陽烏出惟見炊煙四雜行塵飛

楊柳詞

妾家門前楊柳斜妾心如樹命如花楊花飄泊東風裏楊樹東風吹不起

和綠春詞三十首

并序

是題創自近人和者甚盛友人哀示俾繼聲焉竊惟玉溪
無題之製冬郎有憶之篇情溢詞表悲流響外感時悼遇
可得而窺世或蹈辭害之蔽昧思積之實輒云遠鄭比之
曰郇抑亦淺矣走也旅思不聊騷心靡託鋪觀衆作爰乃
學步意存綺麗不惜自誣要之句由韻生章以韻次前後
枝雜茫無歸旨繽焉藻飾炯焉鏡空覈其情文固易明也
惟是抽黃對白子厚之所譏剪紅刻翠文瑩之所貶今之
所爲殆兼二弊所謂浮文弱植縹緲附俗者歟大雅覲之
翩其反矣然燕巢蛛網辛勤所成犀角麝臍愛惜孔至比
之遺簪墮履固未能割棄矣

丹臺翠水隔西東同墮情天浩劫中游戲散仙能作霧天斜

少女亦爲風高低楊柳傷心綠
淡淡桃花薄命紅知是因緣
知是夢三生消息最難通

人住金堂第一重相窺半面始相逢
眼波瀉作玲瓏月眉影
浮來縹緲峯簾下屢聞輕釧響衣邊
時覺暗香濃花神不肯
分明見只爲諸姨總姓封

門外春波接遠江吳娘妝閣似輕艘
新紅氍毹施橫榻淺碧
玻璃嵌短窗石葉噴香雲不斷
菱花照水月成雙鴛鴦殘子
疑無底倒盡扶頭酒百缸

一樣春風嶺上枝南枝開早北枝遲
曾逢姊妹同遊日又見
神仙獨降時銀漢漫勞烏鵲渡
玉簫應待鳳皇吹伊誰有分
看花燭領畧何郎掩扇詞

櫻桃小語隔花微似說濃春漸漸非
解事更無秦吉了贈行

空有蜀當歸鏤金環珮聲都脆夾轂衣裳影不肥
賸得殘魂剛一縷被風吹作柳絲飛

亂雲如鬢月如梳珍簾牙牀一半虛斜背銀釭拈繡帶暗彈
珠淚溼香裾誰知倩女離魂日卽是江郎賦別初淡寫相思
濃寫怨柔腸斷向八行書

曉妝嬌倩侍兒扶睡起春痕透雪膚翠袖微沾腮際粉銀鈎
輕拂鬢邊珠頗嫌燕子窺人熟卻問鸚哥喚我無兩日畫眉
成兩樣今朝應仿第三圖

劉郎魂夢被春迷春日尋春到柳隄載酒密期蕉月上登樓
同醉杏花西新翻曲以么絃譜本事詩於撒扇題私語未明
人未散小紅潛報七星低

前後腳坊左右街垂楊一樹兩門偕東家箏笛西家瑟大婦

裙衫小婦鞦燕燕鶯鶯尋舊侶風風雨雨蕩春懷就中楚閨
相看意鴻爪沾泥亦復佳

紅絲未肯作良媒空結同心解不開戢翼鴛鴦原待闕張羅
烏鵲已登臺洛妃永隔微波去巫女難飄夢雨來刻意傷春
無處說年年淚灑落花堆

殘月殘花幾度新斷魂無復返魂人全忘白晝全忘夜又怕
清秋又怕春奇病每羞鄰女問晏眠常被侍兒嗔他生願作
雙蝴蝶合倩滕王爲轉輪

袖影釵光墮碧雲衾帷常費麝檀薰步生平地蓮千瓣眉放
遙天月二分竹杪風翻蕉葉扇莎根露溼藕絲裙何因不寐
耽岑寂爲待王昌遣信聞

庭院家家種合昏一叢瑤草獨無根雖非宋玉生同里恰與

香山佳對門隔樹煙絲疑劍翠當樓霞彩是衣痕可憐竝在
春寒裏各倚薰籠夢不溫

曲闌花影浸人寒明月同心怕獨看促織淒迷和趙瑟流螢
宛轉近齊紈腰圍似柳先秋瘦淚點如星向曉殘記得芳姿
仍髣髴繡來猶易畫來難

冶遊蘇小共湖山畫舫從容白馬閒盡日笙歌娛兩耳何人
詞曲付雙鬟長橋悄悄追尋處高閣明明笑語閒開遍梅花
三百樹綠毛幺鳳懶飛還

月下嬉遊憶綺年每逢月缺未逢圓識成墜地瑤簪折心比
將灰鳳炭然斷竹畱斑凝故簾枯桐寄響入新絃碧桃開盡
紅梨落愁坐輕寒薄暮天

別淚紅冰滿絳綃更無芳訊密相邀嫁時桃葉當三月生日

蓮花後九朝跳脫心情同玉釧參差緣分比瓊簫東牆一隔
成千里何必蓬山始是遙

己將春夢等閒拋又見鵝鵝比翼交風信亂飄楊柳絮月明
全在荔支梢催詩代展紅牋寫度曲微聞繡履敲無數鴝鵒
飛不去卻憐嬌鳥亦同巢

春山低處酒旗高純把燕支釀濁醪笑靨巧當花影坐歌懷
先被鳥聲挑挑字當入二蕭韻姑從原唱和之時時整袖迎郎馬故故翻杯

汙客袍姪女數錢嫌未足文君偏自薄錢刀

愁來休唱懊儂歌金井泉深更不波織女星沈秋漏短美人
雲散暮寒多幽期漫指當窗鏡小膽仍防折齒梭一尺游絲
千萬裊無風吹向畫屏過

鴈齒橋西小玉家朱樓隱隱角門斜
縈階翠抱同心草挂壁

紅交沒骨花酒暈凝腮伸指搵燈光刺眼側身遮黃鶯惜別
無多語記取前時繫臂紗

粉黛香叅翰墨香琴牀書几布蘭房芳尊貯月名重碧小鏡
臨花字約黃雅意欲畱春莫去清吟惟苦病相妨一時傳出
和鳴集竟覺仙才壓沈郎

臥疾城南短榻橫隔窗時送斷腸聲再生已醒櫻桃夢同病
難禁芍藥情姑惡夜啼年命薄子規春怨別離輕西陵松柏
多枯槁況復絲蘿是寄生

蘇蘭薪桂命樵青自選茶經廢酒經雲魄月魂羅井井玉膏
花乳泛星星紅簾夢醒鶯猶睡繡閣談淡鶴亦聽梁苑相如
今正渴竹爐煙冷夜窗局

霧掩雲遮六七層道曾相見亦何曾芭蕉雨亂高樓笛萼苞

風搖隔岸燈蘿徑偶因尋夢到藥闌空爲送春凭蛾眉穩住
香塵裏一片琴心化作冰

素鬢紅鱗暖澗流垂絲同坐水邊樓間惜竹粉驚花豸戲摘
桑蕪打栗畱春院背人私剪綵夜窗呼姊共藏鉤銀魚蠟鳳
今拋散檐馬丁東替我愁

亭池周折費幽尋半日天晴半日陰綠竹影濃黃竹淡紅蓮
香淺白蓮淡草遮曲徑迷蜂眼風弄虛簾引燕心一樹相思
無地種浪誇金谷好園林

日長花院正春酣冷玉文楸記手談豈以輸贏論黑白休將
師弟判青藍點籌隱躍占奇偶爭道分明讓再三賺取朱顏
時一破嬌如紅杏帶煙含

粉墮脂盈久慵拈開盡庭花不捲簾繡罷迴文顛倒看燒殘

心字轉旋添愁痕一縷侵眉角夢影三分露指尖同是箇中
寧不解欲相慰問恐招嫌

身墮人間骨自凡芙蓉城側舊封街飛紅總傍鴉頭韞冷翠
時沾燕尾衫三世情恨栽月樹十年離恨過江帆元霜搗盡
瑤京遠青鳥何曾寄一緘

小奚

小奚倚事寵不識主人恩常時盜金帛漸自買田園老奴忠
謹被讒毀心非其事不敢言偶向人前語一露主人未知小
奚怒日來無故遭主訶掩淚吞聲出門去小奚有面如雪光
小奚有舌如笙簧夜深置酒召同侶拍手高歌聲滿堂

但說春光好五首

但說春光好幾時春始來艸心寒不吐冰面陂難開忽忽花

朝過頻頻鳥信催陽和渾未轉空見斗杓迴
但說春光好良辰苦不長遲迴鶯出谷刺促燕尋梁砌竹無
鮮筍盆蘭減妙香黃金何處擲虛負少年場
但說春光好藏春復幾家綠慳遮屋樹紅秘出牆花煙露涵
詩筆雲山落畫叉客窗何所見只此送年華
但說春光好何曾足快遊泥濘常沒屐水遠不逢舟巷少栽
桃徑郊無傍柳樓惟闌上林苑草色似瀛洲
但說春光好何人惜晚晴日沈花改態林暝雀收聲野色漸
無極餘寒仍不輕徘徊星月下南望寄遙情

夢後枕上作

朝逢磊落人夜夢亦瀟灑飛上白雲端神行疾於馬天路青
茫茫但隨跨鶴者手持碧玉花種向瑤窗下

初夏寫懷

嬾向銅駝逐冶遊，難憑金雁寫離憂。
羣花已失三春信，一雨平添萬種愁。
候鳥鳴時朝伏枕，浮雲缺處晚登樓。
郊原瘠地皆新綠，試問東風著意不。

友人約遊草橋不果戲柬

側側輕風弄曉寒，暉暉晴旭蔽簾看。
餘花委地紅心碎，萬樹成煙綠意寬。
良醕欲賒未得薄，裘須典典猶難荷。
錢若是青銅鑄，定買城南一日歡。

荅饒七杉舊冬往宜城途中見寄之作

爲我隆中尋臥龍，爲我鹿門訪龐公。
爲我憑弔登樓客，爲我問訊騎驢翁。
襄陽耆舊去千載，風流今古將毋同。
山顛水曲世所忽，物色可以迴清風。
自從凍雲逐君馬，漸見天街燭火紅。

紅日晷正長歲已短客心人事同
怱怱得君郵亭寄我札半載報章
遲未封君詩許我有寒骨我實狂
拙兼疎慵眼中之人旣雨散獨與雲
月相西東楚山楚澤多香草願采爲
佩絨詩筒

向晚

向晚天如染明霞紺復黃鳥鷺沈
野色槐柳臥斜陽飲罷城將閉歸
遲馬亦忙西山應已老一望正蒼蒼

龍山來自徐州旋歸山右鄉試詩以送之

長劍忽孤鳴聞君更獨行方山雖故
國易水總離聲曉色烏啼檻炎風馬
振纓槐花黃似昔秋夢判幽并

偶讀溫飛卿諸樂府意有所觸因雜
和之得廿二首金荃側豔遙旨莫尋
學步綦難效曠滋恥庶幾唐臨

晉帖師其法各用其意耳

織錦詞

天孫暗失支機石墮向朱樓乞巧夕脫手雲霞濯水鮮春江
紅鯉長三尺玉鑷金梭鸞鳳鳴呖啞忽變腸斷聲龍走鴻翻
門新樣眼前花草皆無情遲遲社日停針線門外驕驄過如
箭何人宜著臂香衣空費東吳好綾絹

夜宴謠

碧山早飲頰陽醉下直羣趨青瑣第夜半馬嘶槐柳風蹴環
魚鑰時聞閉織阿催月辭綺筵妖燭儼燈光澈天歌姝陪打
占相令四座無人聽筦絃翻杯擊琖無不有不記觥籌入誰
手翠翹墮地踢成塵偷脫弓鞋更行酒髯奴暗報晨鐘動客
不言行主不送病葉狂花取次飛還家攪破香幃夢

蓮浦謠

赫景停天金石流涼雲幕水陂塘幽前飛鴛鴦後鷓鴣雀扇
蟬紗風外遊乳鴉輕漿和愁曲兩岸嬌郎看不足蓮花比人
香比情波色眼光相射明西風斷響澄秋碧翠蓋紅衣掃無
迹玲瓏白玉蔽青泥中有柔絲千萬尺

曉仙謠

玉霄未啓闔闔門海色上湧樽桑暎碧柰花簪三角髻迅騎
白鳳升崑崙素女璫妃足十萬此時才熟胡麻飯恩深意急
逐雲忙不覺天雞鳴夜半虎豹猶信性久馴玉卮把袂言笑
親絡繹星娥報消息瑤階初掃無行塵手把金桃出洞戶羣
仙錯愕顏如土歸來小隊按新聲不唱霓裳舊歌譜

錦城曲

武擔香土堆殘照萬里橋邊野花笑灼灼當筵舞柘枝薛濤
已死猶年少燈籠瑞錦芙蓉光酒釀醅醅春市香秦人羨殺
錦城樂躍馬彎弧窺劍閣

舞衣曲

楚女細腰倭婢髻舞衣長袖花爛斑彩雲橫飛錦浪湧颯沓
天風搖佩環瓊筵上客恩澤侯頗顧小史催纏頭斜整瑤釵
背人立倚簾笑弄珊瑚鈎夜深脫換紅襦短蘭燼香篝胡蝶
滿沈沈斗帳壓金鈴別有夭姿媚羊侃貧娥曉抱素紗泣手
滌銅瓶遠行汲迴身側避柳梢鶯一路草痕纖履涇

感築歌

邏空城頭秋日荒螭螭塞外春草黃月口星心共誰語軍中
壯士淚如雨深院何由聞此聲朱唇妙吸風管鳴金笳畫角

遜悲咽吹得頑雲如水清
瑤樓日暮調羌笛蕩婦凭闌悵
岑寂人心愁喜各無端
烏自啼簷蛩訴壁

照影曲

刺桐著花紅滿逕六葉金屏
光不定蛾眉知己復有誰
一片圓冰舊時鏡木瓜粉漬
玉雪膚妝罷自憐如畫圖
雲怕吹香暎繡陌不逢世
有傾城姝芝田側畔見秦
女光奪星眸豔如許赤蘭
橋下水溶溶垂袂相看兩
無語王昌漫作東牆人過
眼一瞥同飛塵黃金莫鑄
雙條脫願買嫦娥爲比鄰

雉場歌

白下雉場三百處錦圍珠繞
各千步麥隴高低盡蹋平
綠鋪淺草無人行龍媒飛出
仙華殿金鏤弩牙瑤瑁箭
雨血風毛花灑空玉兒含笑
看宮扇騎客闌人拜馬前
君王神武壽萬

千疊墮鉦鼓還振五色離披掛金戟

雍臺歌

油壁香車珠勒馬雷闌霧集雍臺下
上有嬋娟十二樓彩雲輕覆鴛鴦瓦
樓中壁帶黃金鉏人與花影同幢幢
簾裏玉纖時一露宮鶯正轉繁華樹
銅街繡巷月明多滿耳笙璫不知處
翠轂懸燈幡燭龍萬家齊聽景陽鐘
唾壺紅淚紛紛滴飛上九天難再逢

吳苑行

梧宮秋老玉蓮死何處香泥葬西子
柳昏花爛幾千年螺黛爲山脂作水
三百紅橋六十坊盡通曲巷臨橫塘
遊舫遲遲夕陽豔桂窗吹出春醪香
咸陽大賈黃金賤夜夜蘭釭照歌扇
五湖別有蕩舟人笑看青蕉飛紫燕

塞寒行

馬蹄未踏陰山雪九月交河凍成鐵詔書催築受降城斷土
堆冰寶刀折老上龍庭隔萬里繩行沙度人如蟻漢皇一怒
九邊愁誓埽煙塵絕海水上林桃李冬作花圍爐夜宴平陽
家將軍亦自解行樂玉帳置酒鳴琴世間人孰望玉關遠蠟
淚熒熒響金剪欲寄征袍附朔鴻寒杓已向東檐轉

蘭塘詞

春水無聲較愁淺新蒲翠葉纖如剪簇幽花暗媚人花香
緩帶輕風轉碧山一角濃潑煙隔浦幾葉漁郎船中夜月明
寫清怨湘娥撥斷朱絲絃楚國羈人傷遠別牽衣密贈同心
結含情獨立望夫君三十六鷗散晴雪

晚歸曲

男錢差大女錢小難買長安花事了畫鼓催人雨點頻城煙
欲閉孤飛鳥滿眼黃昏樓外天陸郎斑駁何處邊皇華古驛
豔魂出燈下寒帷驚獨眠

春洲曲

蘆芽荻葉春淒淒魚虎趁魚東復西女伴相攜采香草紅羅
綰鰕愁沙泥蘭汀紆迴杳無路水剗虹梁不可渡歸來悄悄
行花陰柔綠媽紅暗相妬湘娥婉嬋乘湘雲颯颯靈風吹盡
裙裾悲無情絃柱促人間漫理相思曲

陽春曲

信水鱖鱖吹信風文夷歌喚吳霜融瑤楣遍皆宜春字幾樹
早花交遠紅黃金絡馬五陵客蹴起香塵過南陌垂楊刻意
學娉婷廣袖弓鞋愁路窄暑簟涼祺次第閒秋千索冷無人

攀頽垣深雪蔽荆杞卽在金張庭榭間陳倉酒樓闕今古杏
帘穩對當壚女一醉遙襟碧海寬那聞簾外瀟瀟雨

水仙謠

水風側側迎湘鬢蛾翠嬌於江上山鷓鴣啼煙媚斜日羽葆
畫旗紛往還陳王解佩情無極悵望微波空歎息綵繚雲衣
入混茫餘霞尚作嬌鸞色

惜春詞

晚紅又瘦桑葉肥蠶蛾拂紙嫋嫋飛玉筴金鎖放春去鷓鴣
早鳴心自迷常時聞唱秋孌曲一日願拌珠十斛夙駕鈿車
空在門溼雲壓空雨簌簌夸父飛行止鄧林流萍一逝無歸
心人間自有長春苑天閤海枯何處尋

春愁曲

小杏妖嬈貪早嫁紅英半落西牆下翡翠合巢珠樹顛塗金
帔稱連錢馬百番蜀紙鸞鳳紋未寫瑤情三兩分紫泥小印
簪花字吹入碧空成斷雲飛絮從容綰晴晝鄰娥采戲拋紅
豆枉將十指誇針神誰向蘭窗學組繡藻池風約翠痕消鬢
影絲絲隨蕩搖遊鱗未解憐傾國掉尾如梭穿畫橋

懊惱曲

門前東風吹綠水直送郎船過彭蠡東花已落西花開一院
春心隔千里紅牙金粟有短長遊絲無端難可量妝成鬧埽
弄年少絃澀玉琴終斷腸波捲湘簾日向午狸奴欲撲紅鸚
鵡明珠綴面一千行織作鮫綃寄南浦

三洲詞

沙頭夜聽銅鞮唱十里雲光飄月浪賈客賣絲猶未回銀箏

閒挂柁樓上低頭脈脈看弓軟潏卻同心金雀釵含愁細酌
宜城酒頰暈紅潮春滿懷春懷易遣莫悵苦寂寂玉顏猶有
主阿嬈歌斷真珠喉化作胭脂坡下土

春曉曲

隔院嬌啼報春鳥薄幃映窗晴易曉殘夢淒迷衾霧濃芙蓉
巷曲鳴鞘悄粉剝苔痕春影膩半匳絲網臥鈿翠丫髻雛奴
睡眼紅落花未埽簾垂地腰懶眉慵心自勞烏輪已比庭樹
高簷前昨夜金鈴響又放西鄰千葉桃

送李介夫太史典試湖南二首

三湘聽雨維舟處

介夫曾客湖南
有三湘聽雨同

馬嘶風擁節來弔古當

年曾縱酒衡文今日更登臺朱絃誰鼓英皇曲玉尺能量屈

宋才計到長沙秋正好楚山雲霧爲君開

明月相隨過洞庭湖天遠樹接芳汀遙知香草迎騷客願作
閒雲伴使星失志揚雄還獻賦耽遊裴迪且溫經何年散髮
吹長笛十二君山對眼青

題畫十二首

漠漠輕煙染素綃平教大地變琉璃梅花幾樹都臨水知是
孤山是瀟橋

楊柳輕黃映畫樓有人凭檻訴春愁分明寫出龍標句更著
江天幾葉舟

放鴨人家面小溪草痕淡淡樹高低牧兒戴笠驅黃犢來趁
春郊雨一犁

方罍春田曲澗東牛均側有小橋通橫鋤松下把書讀今日
山間無此翁

樹密山濃欲化煙
斷雲飛到水窗前
半晴半雨釀空綠
似是江南梅熟天

暑窗何地著佳牀
一望絲簾肺腑涼
枕石醉眠天正午
無風無雨夢瀟湘

誰把雲根細削
剗飛流千尺挂松杉
澗邊想是看泉處
一个茆亭對石岩

鴉羣翻墨向東回
半在遙天半古槐
不辨風聲何處起
夕陽欲過塢尖來

柳塘風冷水煙空
一帶寒流臥碧峯
秋亦有情憐豔冶
輕霜不上木芙蓉

一線羊腸接鵲巢
亂峯奇險出林梢
雲嵐少處難閒住
莫怪幽人此結茅

山如點黛水拖裙金碧樓臺冠彩雲不寫芳林寫紅樹畫家
虛學李將軍

水淨林空野色寒漁人石上把漁竿何來一種蕭寥景記向
荒江雪後看

咏蝶

身如一葉飄飄下衣是千花補綴成鶯燕相逢疑短夢神仙
墮劫爲多情飛來庭院春都活繡上裙衫舞亦輕不避佳人
團扇影韓憑終覺太癡生

絡緯

絡緯啼何急勞勞訴月明不緣多夜氣爭解作秋聲夢倚涼
燈醒詩和冷露清曉來人意雜兼聽亂鴉鳴

中秋闌中夜雨

燕山無桂樹何以為中秋佳節每相負名心寧未休風雷逼
矮屋鼓角喧危樓明月幾時到應能知我愁

出闈後作

都將文字論功名泥徑風檐逐隊行爲感 國家求俊乂豈
知天地困儒生雨從昨夜歸來止月待中秋過後明縱使金
門容射策年華已遜庾蘭成

澹園植芍藥賦呈訥齋主人

百卉半萎黃種花計當速分來婪尾春植向小山麓白露未
作霜及時借膏沃客土既肥膩芳根無屈曲植芍藥土欲津肥而根宜直津
脈飽秋氣殿春力愈足往時時牡丹位置雜松竹猶恐天香
孤以花伴花宿姿顏俱絕代先後入金谷咄哉羅江東品藻
無真目政堪爲姊妹何至僣僮僕汝陽春風主吹煦遍草木

矧茲紅粉魁肯以青衣蓄卻憐春夏間花葉絢紅綠豐臺小
兒女壓鬢落菼菼市僧擔滿肩十錢賣一束不及頑婢價安
論珠白斛非逢知己人詎免泥中辱盛時不得地遭遇固難
卜名姬換白鵲薄命同一哭維揚廿一品好事偶采錄餘芳
諒復多舊譜誰能續此花一何幸貧女歸金屋寸心雖未吐
意態已醲郁準備雙膽瓶花時插紅玉

秋燕曲

寥天雨歇輕雷啞幾日盲風報秋社鶉鳩再鳴花事稀燕子
辭巢西向飛紅泥墮地球簾冷碧海沈沈送孤影春申第宅
化濃煙凍雀寒鴉飛滿天

登樓

登樓忽不語秋氣滿懷抱雲山四面來眼界亦云好此意殊

難明下樓立秋草

卽目

紫禁圍山住紅雲拂水流仙人曾說與海上有瀛洲

剝棗有感

棗實如餽糧飢腸固可飯豪家饜珍味棄擲不在眼前江南饑瓜果亦少產杜曲西鄰婦踟躕看日晚

聞碓

刀尺裁衣玉指僵檐風吹月墮空牀可堪青海防邊處九月黃沙化作霜

九日呈霞軒王子三首

長安今過五重陽歲歲秋花潦草黃不敢更登高處望白雲天末總他鄉

又是劉蕡下第初王孫相慰感何如恐傷白髮慈親意爲我
商量作報書

燭花剪盡淚頻傾遊子私心忍自明慈母如天終諒我十年
低首向科名

詩魔

詩魔癩煞賈長江卻喜愁魔賴爾降好句成時常獨笑冷雲
寒月過西窗

偶閱地志所載吾鄉靈谷山名山也憶余十三歲時
讀書山下黎氏村竊與同學往遊失路墮溪谷中旋
值大雨困甚捫蘿復登乃得出今閱十七年矣感而
賦詩

昔時讀書宅曾傍靈谷山天女謫南戎我青髯松蘿積

黛色蹙若愁眉彎晴嵐與

翠常落窗几間欣然命儔侶奮

足升孱顏徑欲造雲表上

仙者班我時尚孩稚山靈欺我

孱淡沙帶峭石面而封嚴

躡行及山半兩腳踣且跼力窮

不肯止志進因忘患失勢落千丈微軀同草菅四山夾一身

仰望如玦環雨師更助虐飛澗鳴崢嶸湍須臾水沒膝隻履漂

前灣五步卽死所呼天空冥潛懸蘿幸垂恤引手相援扳入

坎竟不凶出穴仍得還高拱謝山靈餘生君所頒將母教孺

子使識世路艱自茲畏險巖長任山雲閒今朝覽山志身乃

在通闕流光一何疾元鬢將欲巖登樓望薊野千里車斑斑

羈寄等束縛五年滯迴轅嬉遊轉可念老大輸童頑始知我

骨俗山早嚴其閑當時祕幽勝山意良非慳人生遜猿鳥刺

促居塵寰今段更兒戲素衣無故殷故山許重登五岳俱可

刪

鄂五峯郡馬招同霞軒王子雙峯視齋兩將軍及友

人舒白香遊宗氏半園二首

園乃李竺翁爲之營造者

暮序逢佳日名園問主人煙霞情共契蘿袞跡相親市遠門
多草風輕地不塵平泉佳子弟猶自守清貧

巖洞深藏屋雲山巧入樓匠心遊客見秋色故家畱石比奇

礪古花餘野菊稠海泡雖已涸

園有海泡亭建於池心

容得幾閒鷗

書李衛公告西嶽文石刻後

并序

此刻朱竹垞先生嘗辨其僞引據甚確余特愛其豪宕漫
書長句於後詩人之言不鑿鑿然也

布衣能抱蒼生憂明神須爲天下謀仗劍投書問西岳大王
不應當斬頭如此狂言神不怒但呼僕射君好去事傳野史

文刻碑千載山靈尚呵護吁嗟乎阿麼攬鏡江都城秦隴洶
洶纏甲兵白帝金精掌殺運山頭石鼓應夜鳴實沈負海已
無力玉女明星慘顏色渭水東流送木鵝瀉池白壁知誰得
草竊紛紜何足數惟公才畧兼文武論事曾驚楊越公談兵
早屈韓擒虎此書慷慨有淡悲誓埽煙塵清八維義壯辭奇
志勇決神之聽之良亦宜惜公祇具封侯相太原有人出公
上失路仍官馬邑丞乘時僅比雲臺將莫疑事與前言殊能
屈能伸真丈夫委身寧作擇木鳥倡亂肯爲篝火狐不聞丹
邱生冰壺異表如神明猶將神器讓畱守高遁嵩陽遺世情
不見虬髯客龍虎之姿公所識一朝心死褐裘人去王扶餘
海外國又不見蒲山公子邢國公不知天命徒自雄新降復
搆桃林叛終與羣盜成沙蟲亂世人才多傑出稱王稱帝莫

倉卒萬姓有主百神安神龍亦是池中物

覃溪先生得東坡偃松屏贊墨蹟命題卷後

天際烏雲翻墨光

先生舊藏東坡天際烏雲帖墨跡

古繖又積松花香五十

二字字如椀正書屈鐵垂瑱瑯蘇齋於蘇有神契妙蹟先後

歸鑒藏蕭字陷垣恐屑越紫檀作匣香緹囊天人豪彩何秀

傑冠劍蕭蕭升巖廊勁節雄材孰松比公髯似否松髯蒼老

癯孺子臥嶺海瘴雨炎風侵客牀枕函夜貯羅浮夢奉宸橋

樹參天長小屏一株翠盤鬱尚帶中條千載霜雲過月來鱗

爪動神龍伏首撐瑤房何時破壁竟飛去遺翰幸不隨風翔

蘇齋腕有羲之鬼仍用坡法臨硬黃斜川畫以宋生

葆萍蘇參門人

補昔則堂構今門牆歲寒同展向南壁謾謾濤聲吹滿堂

題余伯扶孝廉

鵬

曹州牡丹譜次覃溪先生韻二

首

錦作晴天繡作陰滿城蠶蛭盡關心客窗閒續廬陵譜花姓
花名取次尋

豔壓天彭妬洛陽曹南山色借紅黃家家傳寫花王傳更費
膠東紙萬張

劇憐風雨誤芳時

譜云花時多風雨

卷尾空添懊惱詩換得養花天

一片衣裳五色鬥花枝

長至書懷

客心愁與日俱長閒捲西簾看夕陽料得故園冬祭罷家家
分肉獻高堂

歲暮

急景周年客意驚蒼茫豈獨故鄉情吹殘落葉風無色壓斷

枯條雪有聲買酒驅寒仍不醉除燈乞夢更難成遙遙一片
淒清響應是西鄰鐵馬鳴

除夕

五日窮陰三日雪釀成天涯愁苦節可憐殘月亦無情不肯
分明與人別藏名已過廿九春明日便非年少人鏡裏青絲
容易白從今不願歲華新

乙卯上

正月十七夜大風枕上作

明月來無聲夢寒猶未醒海濤忽以喧孤枕乃先警蛟龍門
窗外驗是高槐影縮身重衾裏不敢露頭頂因念破屋人胡
由支夜永吁嚟造物仁風伯何太逞

譚孝女割股詩并序

尋女名千姑南豐人少司寇蒼亭先生尚忠孫女也母病

劇孝女刲股和藥以進母遂愈逾月其壻乃知之其叔父

蘭楣儀曹

光祿

子受上舍

光祿

表其事而徵詩焉

瀝血可以通穹蒼剜肌可以救死亾未割之痛在心腑旣割之痛在一股女股旣割母病康母康女喜痛亦忘夜中裂帛私裏創創重託疾偃在牀夢裏呻吟壻始覺全家眼淚紛紛落感女之孝憐女苦女孝如斯創卽愈天相其母必相女或言孝義無毀傷斯語特爲非義防身爲親用死猶當況乃一割身無妨當母病危女痛極力苟可爲百不惜此時何暇稽典冊至性豈容人事責君不見虎狼盜賊倉卒爲親害孝子往往奮身代事親事君理不殊介推豈曰非忠愛君不見許止不嘗藥春秋特罪之忘身救親患茲義從可推吁嗟乎薄

俗箕帚猶諄語卓哉異哉譚孝女

題文衡山溪閣閒居圖次衡山原韻

衡山遊支硎山作此圖覃溪先生

藏生

欲訪支郎宅吳天尚阻長水煙忽浮動塵夢已清涼故館停雲杳遺縑猶露光誰師海岳法爲我寫東岡

雨夜

一片無聲雨隨風過碧紗夜心燈市月春夢草橋花閱世同飄瓦耽書比算沙從今須作達何物是生涯

上訥齋主人志別四首

分茆錫瑞白

先皇曰月光華帶礪長忠孝一心維屏翰勳名百代炳旂常當年介弟伴姬旦

王祖怡賢親王乃此日羣公羨汝陽更有

憲皇帝弟

鸞鳳棲寵樹恩榮寧數漢金張

降靈霄極富春秋位冠三公尚黑頭生與孟嘗同日月

主人以西

寅五月五人稱魏或最風流退

朝白治桐山賞味道時耽竹院遊豈慕青雲忘紫閣爲敦素

尚舍

皇麻

桂殿蘭宮鬱紫雲牙籤錦軸誦清芬五經別有巾箱本

怡即有自

刻五七畧兼收石室文分韻才驚齊學士傳詩義補漢徵君

購書猶自捐金帛大雅河間信下羣

飛蓋追隨近兩年六槐分影上青瑣

主人館余於芳陰別業庭前有六槐樹

築

臺舊已從隗始適館今常爲觸前別酒春生明月宴歸途裝

重小山篇白雲他日難持贈只詠緇衣表好賢

奉別視齋將軍

咸池仙樂鳳鸞鳴百尺飛樓近紫清
原與閒雲同意態更將皓月比聰明
談元盡是南華注惜別能忘北道情
從此退賓堂外草年年應向夢中生

奉別霞軒王子

本從銀漢下仙槎五色衣裳繡海霞
心朗似懸明月鏡舌香時吐妙蓮花
羅橫不第勞三歎李賀耽吟亦屢誇
此後休疑音信少醉眠常在酒人家

奉別覃溪先生

出語必千古感恩非一端羣材竹玉尺
凡骨負金丹水隔魚鄉遠風添鳥路寒
朱絃如可續敢憚合膠難

次李竹雲送行詩韻畱別

上林花發懶勾留五見長安落葉秋貧女衣裳憐我製謫仙
機杼賴君收卽知雷電燒魚尾應念塵埃撲馬頭記取他時
明月夜歸人正在望京樓

別舒白香二首

最能談性命時復見肝腸但恐別離速焉知貧賤傷佛緣癡
不斷仙語妙難忘幸有春風送飛花一路香

記子平生語攜家上寶峯

山名在靖安

桃源如可住蓮社或相逢

有道難干祿無田敢務農行藏渾未決歸問故山松

別熊夢庵庶常

方受

往年京兆舉君意最相關創合月中樹夢飛江上山鸚鵡徒
自笑鷗鷺只宜閒使節臨吳楚芒屨當往還

別法時帆祭酒

式善

未作韓門弟何蕃養母回君為祭酒余已饒太學矣桃花開舊舍楊柳折

高臺戛玉懷詩品凌雲愧賦才儒冠拋不得還對辟雍槐

別王葑町給諫周載軒太史周希甫舍人宋雲墅儀

曹

記飲消寒酒論文五載餘有官貧不異作客味何如代舍羞

彈鋏佳山補讀書勛名讓公等側耳聽新除

別李介夫太史

科第誇年少詩歌結古歡書能中祕讀燈憶上元看余與介夫

自石門始惻惻貧交去荒荒故榻寒余曾主介夫寓齋轉慙江海士

抱策向長安

畱別胡果泉郎中克家二首

起居八座慶長春慙愧天涯負米人養志曾參原孝子關心

管仲有慈親采薪臂痛家仍遠傾褚晴溪路不貧歸報妻孥
勤禮佛祝將甘露灑君身

白雲樓上領羣仙宰相知人喜薦賢君為阿廣庭相國所器已書上考聞道

姓名懸日月佇看旌節照山川春江趁水先迴棹候館鳴騶
欠執鞭千里相思還命駕不煩雞黍約三年

次譚子受送行詩韻畱別

詩成一笑眇三孱別賦噫歌盡可刪豪氣未妨吹鐵笛子受藏有

鐵笛一枝夙根曾記覓金鑲子受嘗為余言身是其山兄再世太夫人夢之而生故以羊叔

子事為此家鄰章貢叨同里路過吳淞獨看山我輩相思易

名曰光帖相見只愁潘岳鬢先斑

補入

頃與白香客芳陰別業相約讀書而臥起無節乃刻

槐影爲候使僮僕驗之過時則呼告因戲謂之槐陰漏紀以短章

性嬾身復閒起居錯昏晝窗光常易暝但訝白日驟兩人病
旣同因以互砭矣東隅云已逝故習其可又分陰宜其惜寸
晷誰能閒農夫務耕耘紅女勤刺繡無或作輟殊庶幾日有
就從茲立課程僮僕相左右庭前有六槐視影以爲候陰雨
準之心亦無甚差謬雖非學士磚聊比蓮花漏